

2019 2019-mi naliginnaasumik siulersuisut ataatsimiinneranni siullermi imaqarniliaq

| | |
|----------------------------------|---|
| Piffissaq sumiiffillu | 16. marts 2019, nal. 9.00-14.00 Niuernermik Ilinniarfik Nuuk |
| Peqataasut | Karsten Lyberth-Klausen, Henrik Sørensen, Hanne Sparholt Jørgensen, Simon Christiansen, Dorthe Bidstrup, Peter Magnussen, Henrik Nielsen, Christel Lund Bøjler, Peter Rømer og Aline Mathiassen |
| Pisinnaanatik nalunaartut | Susanne Christensen og Susanne B. Rasmussen |
| Imaqarniliortoq | Christel Lund Bøjler |

| | | |
|----|--|---|
| 1. | <i>Ataatsimiinnerup ingerlanneqarnera</i> | |
| | a. | <p><i>15. novemberi 2018-mi siulersuisut ataatsimiinneranni imaqarniliap atsiorneqarnera</i></p> <p><i>Ataatsimi imaqarniliaq Itaamalu naatsorsueqqissaarnermi nalunaarusiat atsiorneqarput</i></p> |
| | b. | <p><i>Ullormut oqaluuserisassat akuerineqarneri</i></p> <p>Inassuteqaat: Ullormut oqaluuserisassat akuerineqassapput</p> <p>Immikkoortoq 6.b. TNI Flex nalilersorneqarnera Suliakkiissutit allattorsimaffiannut nuutsinneqassaaq septemberimilu siulersuisut ataatsimiinneranni qaqlertorneqaqqinnissaa naatsorsuutigineqarluni</p> <p>Immikkoortoq 6. g.-mut ilassuteqaat TNI-imi ilinniarneqmi pitsaassutsimut naligitat aalajangiiffiqeqassapput</p> <p><i>Ullormut oqaluuserisassat oqaaseqaatitalerlugit akuerineqarput</i></p> |
| 2. | <i>Ataatsimiinnermi kingullermi eqqartukkat qaqlerleri</i> | |
| | a. | <p><i>MerX, NI-1-mut aamma TNI18-mut allakkat akuersissutit sumut killinneri</i></p> <p>Inassuteqaat: Killiffiit tusarliutigineqassapput</p> <p>NiNuuk Naalakkersuisoqarfimmit akissutisinissaminik sulii utaqqivoq, akuersissummik imaluunniit oqaaseqaatinik. Ilinniartitaanermut pilersaarussiaq Naalakkersuisoqarfimmut januarip qeqqani nassiunneqarpoq. Akissutisinissamut nukingisaarummik marts naalersoq nassiussisoqarsimavoq.</p> <p><i>Killiffik tusarliutigineqarpoq</i></p> |
| 3. | <i>Ilisimatitsinerit</i> | |
| | a. | <i>Siulittaasoq</i> |

| | |
|----|---|
| | <p><i>30. januar 2019 CAK Naalakkersuisumit pulaarteqarpoq – illuliap nutaap atoqqaarfissiorneqarnera</i></p> <p><i>18. februar 2019 NiNuuk Naalakkersuisumit pulaarteqarpoq – ilinniartut naammagisimaarinninnerat pillugu</i></p> |
| | <p>CAK-mut: Ilinniartitaanermut Naalakkersuisoq peqatigalugu ataatsimeeqatigiinnissaq inissinniarneqarsimavoq, iluatsinngitsumilli. Qaqortumi GUX-imut illuliap nutaap atoqqaarfissiorneqarnerani Naalakkersuisumik pulaarteqallatsiarsimavoq, matumanili aqutsisut peqatigalugit ataatsimeeqatigiinnissamut piffissaliisoqarani. Ilinniartut naammagisimaarinninnerat pillugu ataatsimeeqatigiinnissaq pilersaarutaasimagaluartoq massakkuugallartoq ulluligaanngitsumik kinguartinneqarsimavoq, aatsaallu aappaagumut ilimanarsinnaalluni.</p> <p>NiNuuk-mut: Naalakkersuisup NiNuuk-mut ilinniartut naammagisimaarinninneri pillugit apeqquteqarfiginiarlugit pulaarsimavoq. Ataatsimeeqatigiinneq ingerlalluarpoq, matumani ilinniartut pissutsit assigiinngitsut aammalu ilinniartut inaannut tunngasut eqqartorpaat. Tassunga atatillugu Siulittaasup aammalu Atuarfimmi Ittuusup Naalakkersuisup ataatsimeeqatiginissaanik noqqaassuteqarsimapput siullermik itigartitsissutaasumik, ullulli ingerlarngani "oqaluasaaqatigiinnissamut" piffissaliisoqarpoq. Taamaakkaluartorli ilinniartitsisut ilitsersuisullu peqataammata sukumiinerusumik sulianut tunngassuteqartumik killiffiit pillugit ataatsimeeqatigiinnerunngilaq. Taamaakkaluartoq Siulittaasup aammalu aqutsisut Naalakkersuisup atuarfimmi atugassarititaasut aammalu suliassat pillugit ataatsimeeqatiginissaannik pisariaqartitsipput.</p> |
| b. | <p>Sulisut sinniisaat</p> <p>Oqaaseqaateqanngilaq (PR)</p> |
| c. | <p>Ilinniartut sinniisaat</p> <p>Peqataasukinnera peqqutigalugu ullormut oqaluuserisassanut aammalu imaqarnilianut tunngatillugu Facebookikkut quppernilortoqarsimavoq. Ilinniartut sinniisaat qaammatit tamaasa ataatsimeeqatigiittarput.</p> <p>Ilinniartunut atuagaaqqat ilisarititsissutit aammalu qupperakkat tikilluaqqusinermi atortussat suliarineqarput. Ilinniartut sinniisaat ukiup tullissaanut sammisassaqartitsinernik isumassarsiorput, piffissaalluartillugulu pilersaarusiorusullutik. Ullup qeqqanut unikkallartarnernut aaqqissuussaq nutaap pillugu ilinniartut sinniisaat misissuineramik suliaqarsimapput ullup qaqqanullu unikkallartarnerup siullermisulli modul 4 aamma 5-ip akornannut inissinneqaqqinnissaa siunnersuutigalugu.</p> <p>Allannguutit annertuut sorlu ullup qeqqasiortarneq aammalu modul 9 aamma 10 pillugit amigartumik oqaloqatigiissutigisarneri kiisalu misilitsinnerit ingerlaasiisa sunniutaannik malugisimasat pillugit ilisimatitsinerit ilinniartut sinniisaasa amigarsoraat. Tamanna atuarfiup aqutsisuinut nalunaarutiginiarpaat.</p> |
| 4. | <p>Aqutsisut nalunaarutaat aammalu aningaasartuutissanut missingersuutip qaqilertornera</p> |
| a. | <p><i>CAK-mut 2018-imi ukiup affaanut kingullermut aqutsisut nalunaarutaannik aammalu aningaasartuutinut missinersuutit akuerineqarneri.</i></p> |

| | | |
|--|----|--|
| | | <p>2018-imi ukiup affaanut kingullermut aqutsisut nalunaarutaat aamma aningaasartuutitut missingersuutit, kiisalu aningaasartuutit missingersuusiorderinut siunnersuut 2019-imoortoq aammalu FFL20-mut</p> <p>Ilanngussaq 4.a.1. Inassuteqaammut ilisimatitsissut Ilanngussaq 4.a.2. <i>CAK-mut 2018-imi ukiup affaanut kingullermut aqutsisut nalunaarutaannik aammalu aningaasartuutitut missingersuutit</i></p> <p>Inassuteqaat: 2018-imi ukiup affaanut kingullermut aqutsisut nalunaarutaat aammalu aningaasartuutit missingersuusiorderisa qaqilertornerat kiisalu 2019-imi aningaasartuutit missingersuusiorderi akuerineqassapput</p> <p>November 2018-imiit – marts 2019-imut aningaasartuutit missingersuusiorderneqarnerisa qaqilertornerat aammalu aqutsisut nalunaarutaat, kiisalu 2019-imut 2020-imullu aningaasartuutissat missingersuusiorderneri nassiunneqarput. Matumani inassuteqaataavoq siulersuisunit akuersissutigineqarnissaat.</p> <p>2019-imut aningaasartuutissanut missingersuut FL 2019 aammalu atuarfiup suliassarititaanut missingersuusiaq tunuliaqutaralugu inissinneqarnikuupput. Suliassarititaasunut missingersuut 2019-imoortoq 2018-imut naleqqiullugu annikinnerulaarpoq, matumani peqputaanerulluni GUX-imut ilinniakkat ullumikkut sinaakkutaasut malillugit aalajaallisarneqarnissaanut kissaatigineqarnera aammalu pisariaqartinneqarnera. FFL20-mut missingersuutit kisitsisitalerneqarnissaa nalunarpog, taamaakkaluartorli 2019-imut missingersuusiorder annertussusaasa naliginissaat naatsorsuutigineqarluni.</p> <p>KLK – CAK Majoriamut ilinniartut inigisaannik neqerooruteqarpa? HEN – Naamik, EUD-imut ilinniartut Majoriarmit innersuunneqartarput.</p> <p><i>Ledelsesberetning og budgetopfølgning for 2. halvår 2018 blev godkendt 2018-imi ukiup affaata aappaanut Aqutsisut nalunaarutaat aammalu aningaasartuutissanut missingersuut akuerineqarpoq</i></p> |
| | b. | <p><i>CAK-mut 201-imi ingerlatsinermi aningaasartuutit naatsorsorneqarnerisa aammalu aningaasaqarnikkut kukkunersiordernermi allattorsimaffiisa akuerineqarnerat</i></p> <p>Ilanngussaq 4.b.1. Aalajangiinermut allagaqaat Ilanngussaq 4.b.2. Aqutsisut nalunaarutaat Ilanngussaq 4.b.3. 2018-imi ingerlatsinermi aningaasartuutit naatsorsorneqarnerat Ilanngussaq 4.b.4. 2018-mi aningaasaqarnikkut kukkunersiordernermi allattorsimaffii</p> <p>Inassuteqaat: 2018-imi ingerlatsinermi aningaasartuutit naatsorsorneqarnerisa aammalu aningaasaqarnikkut kukkunersiordernermi allattorsimaffiit akuerineqarlutillu atsiorneqassapput</p> <p>2018-imi CAK-mut aningaasaqarnikkut kukkunersiordernerit Deloittemit ingerlanneqarput.</p> <p>IV-naatsorsuutit, pissamaatit aammalu pequtit eqqaassanngikkaanni Deloitte allanik oqaasertaliussaqaanngilaq.</p> |

| | |
|----|--|
| | <p>Deloittep siusinnerusukkut IV-mut aningaasartuutit naatsorsorneqarnerat isorinikuuat. 2018-imi IV-mut aningaasartuutit naatsorsorneqarnerat pillugu Deloitte allappoq suliarineqartut iluaallassimanerarlugit, periutsilli piviusunngorsarnissaanut sulii amigateqartoq.</p> <p>Pigisat pequtillu pillugit Deloittep oqaaseqaataa CAK-mit isumaqatigineqanngilaq, matumani Deloittep nammineq allannermisut CAK-p Namminersorlutik Oqartussat pigisat aammalu pequtit pillugit malittarisassai naapertuuttumik malimmagit, taamaakkaluartorli Deloittep nammineq kissaatigalugu annertunerusumik aammalu pingaartumik nalunaarsuinerit akulikinnerusut ataavartumik ingerlanneqassasut.</p> <p>2018-imi CAK 600.000 kr.-nik sinneqartooruteqarsimavoq, taakkunani 587.000kr sinneqartoorutitut missingersuunneqarsimallutik. 2018-imi CAK-p IV-mut sinneqartoorutai 308.000kr-niusimapput, taamaasilluni CAK-p ataatsimut sinneqartoorutai 600.000 kr-niusimallutik.</p> <p>HEN – Missingersuutit assigiinngissuteqalaarput, matumani Deloittep aallaqqaammulli missingersuusiarineqarsimasoq atormagu.</p> <p>HS – IV-mut suliniutinut annaasaqaataangaatsiarsimarpasippoq? HEN – tamanna misissorneqassooq.</p> <p><i>Siulersuisut suleriaatsip qimerloorneqarnissaa qinnutigisimavaat, matumanilu ajornartorsiutip nalaanneqannginnissaa anguniarlugu akiligassiisutaasut pikkorissarnissap aallartinnginnerani nassiunneqartarnissaat aamma misissoqqullugu.</i></p> <p><i>Siulersuisut sanaartornermut tunngasut nalunaarsorsimaffiata qaqilertorneqartarneri aammalu paasissutissiisutigisarneri sukaterneqaqqaat.</i></p> <p><i>2018-imut ingerlatsinermi ningaasartuutit nalunaarsorsimarneri akuerineqarlutillu atsiorneqarput.</i> <i>2018-imut kukkunersieqqissaarnermi allattuiffiit akuerineqarlutillu atsiorneqarput.</i></p> |
| c. | <p><i>2018-imi ukiup affaani kingullermi Aqutsisut nalunaarusiaat aningaasartuutillu missingersorneqarnerisa qaqilertornerat, aammalu NiNuuk-mut 2019-imut kiisalu FFL20-imut missingersuutit akuerineqarneri.</i></p> <p>2018-imi ukiup affaani kingullermi Aqutsisut nalunaarusiaat aningaasartuutillu missingersorneqarnerisa qaqilertornerat, kiisalu 2019-mut FFL20-imullu missingersuutit pillugit aalajangiussat.</p> <p>Ilanngussaq 4.c.1. Aalajangiussat nalunaarutigineri Ilanngussaq 4.c.2. 2018-imi ukiup affaani kingullermi NiNuuk-mut Aqutsisut nalunaarusiaat aammalu aningaasartuutit missingersornerisa qaqilertorneri</p> <p>Inassuteqaat: 2018-imi ukiup affaanut kingullermut Aqutsisut nalunaarutaat aamma aningaasartuutit missingersornerisa qaqilertornerat, kiisalu 2019-imut missingersuutit akuerineqassapput.</p> |

| | |
|----|---|
| | <p>2018-imut aningaasaqarnikkut nalunaarsuutitut atatillugu Aqutsisut nalunaarsuutaat kiisalu aningaasartuutit missingersorneqarnerisa qaqilertorneqarneri suliarineqarnikuupput, ilanngussa takuuk.</p> <p>2019-imut aammalu FFL20-imut missingersuusiata PL-imut aaqqiissutit sipaarutissatullu naatsorsuutigineqarsinnaasut allat tunuliaqutaralugit missingersorneqarsimapput. 2018-mi missingersuusiariqarsimasunut sanilliullugu 2019-imi missingersuusiornermi suliniutit annertunerusumik qaffariarnissaat naatsorsuutigineqarsimanngilaq. FFL20-imut missingersuusiata eqqarsaatigalugit suliniutissat qanoq annertutiginissaasa oqaatiginissaat suli ilisimaneqanngimmat 2018-imi missingersuutigineqarsimasut nalingasut inissineqarput.</p> <p><i>2018-imi ukiup affaanut kingullermut Aqutsisut nalunaarusiaat, aamma aningaasartuutit missingersorneqarnerisa qaqilertorneqarnerat, kiisalu 2019-imut aammalu FFL20-imut missingersuusiata akuerineqarput.</i></p> |
| d. | <p><i>NiNuuk-mut 2018-imi ingerlatsinermut naatsorsueqqissaarfiit aammalu kukkusersueqqissaarnermi allattuiffiit akuerineqarnerat</i></p> <p>Ilanngussa 4.d.1. Aalajangiinermut nalunaarut Ilanngussa 4.d.2. Aqutsisut nalunaarusiaat Ilanngussa 4.d.3. 2018-mi Ingerlatsinermut naatsorsueqqissaarfiit Ilanngussa 4.d.4. 2018-imi Kukkusersueqqissaarnermi allattuiffiit</p> <p>Inassuteqaat: 2018-imut Ingerlatsinermi naatsorsueqqissaarfiit aammalu kukkusersueqqissaarnermi allattuiffiit akuerineqarlutillu atsiorneqassapput</p> <p>2018-imi NiNuuk-mut ingerlatsinermi naatsorsueqqissaarfiit Deloittemit suliarineqarsimapput. Kukkusersuinerup inernerisa nangaassuteqalersitsisinaaneranik Deloitte nassaassaqaanngilaq. Matumani ingerlatsinermi sinneqartoorutit 5.562.000-iusut naatsorsorneqarsimapput, taakkunani 6.376.000 kr. Missingersuutigineqarsimallutik. Pisortat ataanni suliffeqarfiup (IV) ingerlatsinermi 1.039.000 kr-nik sinneqartoorutaasimapput, taakkunani atuarfimmum aaliangersimasumik tapiissutit 727.000 kr-iusimallutik. 4.000.000 2019-imut inissineqarput.</p> <p>Kukkusersueqqissaarnermi allattorsimaffinnut atatillugu Deloittemit nalunaarutigineqarput qarasaasiat angallattakkat avammum atukkunneqarnerini nalunaarsuinerini qaqilertuinerit ilaannakkortuusut, taamaattumillu kaammattuutigalugu nakkutilliinerni qaqilertuisarnerup piviusunngorsarneqarnissaanut nakkutiginninnerit aallussinerunerillu annertusineqassasut.</p> <p><i>2018-imi Ingerlatsinermut naatsorsueqqissaarfiit akuerineqarlutillu atsiorneqarput. 2018-imut kukkusersueqqissaarnermi allattuiffiit akuerineqarlutillu atsiorneqarput.</i></p> |
| 5. | Ilisimatitsinermi tulleriissakkat |
| a. | <i>OK15-imi sulinermi piffissaliussanut isumaqatigiissutip killiffia</i> |

| | | |
|--|----|--|
| | | <p>AK, ASG aammalu DJØF peqatigalugu sulinermi piffissaliussanut isumaqatigiissutip suliarineqarnerata killiffia</p> <p>(Oqaatsitigut ilisimatitsineq)</p> <p>Inassuteqaat: Killiffiup ilisimatitsissutigineqarnera tusarliutigineqassaaq</p> <p>ASA (sulisoqarnermut aqutsisoqarfiup) isumaqatigiissutai naapertorlugit AK aammalu ilisimatusarsimasut peqatigiiffii isumaqatigiissutaat naapertorlugit sulinermi piffissaliussaq pillugu isumaqatigiissuteqarniarnerit aallartisarneqarsimapput.</p> <p>DK-miit sulinermit peqatigiiffeqarfinit peqataasoqarpoq.</p> <p>Isumaqatiginninniarnermi ingerlaatsip aallartilluarnissaa qaammatini qaninnerni naatsorsuutigineqarpoq pissasoq.</p> <p><i>Siulersuisut ilisimatitsineq tusarliutigaa.</i></p> |
| | b. | <p><i>Aningaasaqarnikkut aqutsineq ERP pillugu Namminersornerullutik Oqartussani suleqatigiiaat naapinnissaat – Aalajangiinissamut immikkoortoq 6.h-imut nuutsinneqarpoq</i></p> <p>Suleqatigiiaat naapinnissaasa killiffiat, piffissaliussatut pilersaarut, aammalu sulinissamut akornutaasinnaasut.</p> <p>Ilanngussaq 5.b.1. Aalajangiinermut nalunaarut Ilanngussaq 5.b.2. ERP allatseqarfianiit nutaarsiassat pillugit allakkat</p> <p>Inassuteqaat: Killiffik pillugu iisimatitsissut tusarliutigineqassaaq</p> <p>ERP-p atornerqarneranut pilersaaruserineqarpoq 1. april aallarnerfigalugu DCR-p (qitiusumik naatsorsueqqissaarnermi immikkoortortaqaarfik) Prisme atorlugu naatsorsuuserinerit ingerlattalissagai, Namminersornerullutillu Oqartussat iluani sinnerisa XAL aamma IRIS atuinnassagaat. Naatsorsuutigineqartut 1. oktober aallarnerfigalugu Namminersorlutik Oqartussani taassumalu ataani inissisimasut Prismemut aammalu IRIS nutaaliaanerumut ikaarsaassapput.</p> <p>Toqqaannartumik apeqqutigikkajunneqartartut pillugit ERP-imi allatseqarfiup nalunaarutigaa ukiumi tassani susassaqaarfiit eqqorluinnartunik naatsorsuuserinernik aammalu siunertanut eqqorluinnartunut naatsorsugassangortinneqartarnissaat naatsorsuutigissanngikkaat. Ukiup naanerani aatsaat atuarfiup aningaasanut naatsorsuutit saqqummiussinnaalernissaat ilimanaateqarpoq.</p> <p><i>(Aalajangiinereq immikkoortoq 6.h ataani takuuk)</i></p> |
| | c. | <p><i>Siunissami Kalaallit Nunaanni aningaasanik aqutsinermi ilinniakkap aammalu aningaasaqarnikkut ilinniakkat pillugit suleqatigiiaat ataatsimooqatigiinnerat</i></p> <p>Inuussutissarsiummut soqutigisallit peqatigalugit imarisai aammalu ilusilersugaanera pillugit suleqatigiiaat ataatsimuussutigaat.</p> |

| | |
|----|--|
| | <p>Ilanngussaq 5.c. Inuussutissarsiornermi ingerlatsinermit inassuteqaat ilanngullugu suleqatigiiaat ataatsimoornerannit katitikkat</p> <p>Inassuteqaat: Killiffiup ilisimatitsissutigineqarnera tusarliutigineqassaaq</p> <p>Inuussutissarsiornermi ingerlatsinermit suleqatigiiaat ataatsimoornerat ornigarneqarluarpoq siunissamilu aningaasaqarnikkut ilinniakkat pillugit oqaloqatigiinnerit ingerlanneqarluarlutik.</p> <p>Isummiussanut inerniliinermit tunngavigineqartut ataani allassimasut malillugit tunngavilersuutigineqarput:</p> <ul style="list-style-type: none"> ▪ Aningaasaqanermut ilinniarnermi eqimattat kingulliusut (TNI immikkut) maanna ingerlanneqarpoq. Inuussutissarsiornermi ingerlatsinerup pingaartumillu aningaaseriviit ilinniagaq atorfissaqartikkunnaarsimavaat, taamaasillutillu aamma atorfinnut atorfinitsitsiunnaarsimallutik, qaffasissuseq taanna malillugu suliassaqartitsiunnaarsimanertit naliliissutigalugu. ▪ Aningaasaqarnermi ilinniakkamik ingerlatsisut juuni qaammat naammassissapput, isumaqatigiissutigineqarsimavorlu naammassisut ingerlaannaq AU Aningaasaqarnikkut Siunnersuinermit ilinniarnermut aggustusimi aallartissasut. ▪ AU Aningaasaqarnikkut Siunnersuinermit ilinniakkap qanoq inissinneqarnissaa suli inaarutaasumik aalajangiiffigineqanngilaq ▪ Aningaasaqarnikkut ilinniakkamut taarsiullugu Aningaasanik Aqutsisutut ilinniakkap kiisalu BA-ingerlaqqinnerit taarsiutigineqarnissaannut Atuarfik ilutsimik ingerlaataalersinnaasumik suliaqaleruttorpoq. ▪ Inuussutissarsiornermik ingerlatsinerup atuarfiup MerX-ilinniakkat Aningaasanut Aqutsisutut ilinniakkamut piumasaqaateqalernissaanut aalajangiussaa taperserpaat, matumani nalilernerqarmat sulianut tunngatillugu ilisimasat Aningaasanut Aqutsisutut Ilinniakkamik aallartitsinnginnermi qaffasinnerunissaat pisariaqartoq. ▪ Anguniagaq unaavoq, Aningaasanut Aqutsisutut Ilinniakkap 2020 aggustusimi aallartinneqarnissaa. <p>NiNuuk suleqatigiiaat ataatsimoorneranni aalajangiussat suliareqqissavai.</p> <p><i>Siulersuisut ilisimatitsissut tusarliutigaat</i></p> |
| d. | <p><i>Campus Nuuk-mut suliniutip killiffia</i></p> <p>Suliat aammalu piffissamut pilersaarutit kingullit.</p> <p>Ilanngussaq 5.d. Campus Nuuk-mut suliassap ilusilersorneqarneranut pilersaarusiaq nutaaq</p> <p>Inassuteqaat: Killiffiup ilisimatitsissutigineqarnera tusarliutigineqassaaq</p> <p>RealDania attaveqatigineqarpoq, siusinnerusukkut ukiut 3-4 missaanni qaangiunnerini eqqarsaatiginneqqinnissaminnik neriorsuisimasut. A.P. Møller-imut atortussat suli nassiunneqarsimangillat, piffissarli qaninnerpaaq atorlugu nassiunneqassallutik.</p> |

| | | |
|----|--|---|
| | | <p>Suleqatigiit qinnuteqaatip ilusilersornerata aammalu inerisarneqarnerata suliarinera ingerlateqqippaat.</p> <p><i>Siulersuisut ilisimatitsissut tusarliutigaa</i></p> |
| 6. | Aalajangiussat immikkoortukkuutaarneri | |
| | a. | <p><i>Kiffartuussinermi ikiortitit ilinniakkap suliniutiginerata killiffia</i></p> <p>Ingerlariaqqinnissamut aalajangiussaq</p> <p>Inassuteqaat: Aalajangiussaq akuerineqassaaq</p> <p>HEN - Piffissami matumani suliap ineriartortinnissaa sakkussaqaartinneqanngilaq.</p> <p><i>Aalajangiunneqarput atortussaqaartinneqalerpat ilinniakkap pisariaqassusaa pillugu KNI oqaloqatigineqassasoq.</i></p> <p>(Suliassat tulleriissarneqarnerinut ilanngunneqassaaq kingusinnerusukkut qaqilertugassanngorlugu)</p> |
| | b. | <p><i>TNI Flex Ilinniagaq pillugu nalilersuinerup akuerineqarnera – immikkoortoq peerneqarpoq</i></p> <p>Ilanngussaq 6.c.1. Aalajangiinnermut nalunaarut Ilanngussaq 6.c.2. TNI Flex pillugu nalilersuineq</p> <p>Inassuteqaat: Aalajangiussaq akuerineqassaaq.</p> <p><i>Immikkoortoq peerneqarpoq naatsorsuutigineqarlunilu september qaammat siulersuisut ataatsimiinneranni saqqummiunneqassasoq.</i></p> <p>(Kingusinnerusukkut qaqilerneqartussanngorlugu suliassat tulleriiaarneqarnerannut ilanngunneqarpoq)</p> |
| | c. | <p><i>Malittarisassat allanngortinneqarnerat akuerineqassaaq</i></p> <p>Siunertaqaqatigiit toqqarneqarsimasut allanngortinneqarnera</p> <p>Ilanngussaq 6.b.1. Siunertaqaqatigiit toqqarneqarsimasut allanngortinneqarnerat pillugu aalajangiinnermut nalunaarut Ilanngussaq 6.b.2. Malittarisassat allanngortinneqarnerinut siunnersuut</p> <p>Inassuteqaat: Malittarisassat allanngortinneqarnerinut aalajangiussaq akuerineqassaaq.</p> <p>Aaqqiissutit allat: Ilinniartitaanermut naalackersuisoqarfimmu (naqinnerit mikisut) malitseqaartisisinnaanermut naqqiissutit GA GE-mut aaqqinneqassaaq.</p> <p>Qupperneq 4-mi §10 stk 5 ataatsimiinnissamut atortussat peerneqarput, aaqqinneqassaaq ullormut oqaluuserisassat aammalu imaqarniliaq</p> <p>§24, Naalackersuisut Naalackersuisoq-mut aaqqinneqassaaq</p> |

| | |
|----|--|
| | <p><i>Malittarisassanut allannguutaasut oqaaseqaatit tunniunneqartut tunngavigalugit Siulersuisut akueraat</i></p> |
| d. | <p><i>NiNuuk-mi sanaartukkat pioreersut aserfallatsaaliornerat aammalu sanaartornikkut allanngortinneqaqqinneri</i></p> <p>2018-imit kinguartinneqarnikunik atuinissamut siunnersuup</p> <p>Ilanngussaq 6.c.1. Aalajangiinermut nalunaarut Ilanngussaq 6.c.2. Namminersornerullutik Oqartussani aserfallatsaaliuineq pillugu Atorfilittanit suliniummik suliaqartunit allagaqaatit</p> <p>Inassuteqaat: Inassuteqaat akuerineqassaaq.</p> <p>NiNuuk-p piffissami sivitsulersumi Namminersornerullutik Oqartussani aserfallatsaaliuineq pillugu Atorfilittat Suliniummik suliaqartut attaveqarfigisarsimavai. Immikkoortortaqaarfik pineqartoq ukiut arlallit matuma siora pilersinneqarsimavoq, tassani Ilinniartitaanermut Naalakkersuisoqarfiup sanaartornermi ingerlatsineq Naalakkersuisoqarfimmit immikkut inissimmagu. Tamassuma kingunerisimavaa Naalakkersuisoqarfiup sanaartornermut atatillugu eqqartueqatiginissaata ajornakusoorsisimanera matumani Suliniummut akisussaasut innersuussiffiqineqartarmata, Suliniummullu akisussaasuusut aningaasaqarnikkut inissisimaviit pillugit pingaarnersuinerit inerniliinerillu pineqartillugit Naalakkersuisoqarfimmut innersuussisarlutik.</p> <p>Atuarfiup angissusaa inissaqarneralu eqqarsaatigalugit Ninuuk annertuumik ajornartorsiuteqarpoq, piffissamilu kingullermi illup angissusaata uigulertuinnarsinnaanerata naammagunneranut tunngatillugu annertuumik nalilersuinerit ingerlanneqartisimallutik, matumani pingaartumik qinnuteqartartut aammalu eqimattakkaat amerligaluttuinnartumik pigaluttuartillugit. Maanna illup tungujortup uiguneqarnissaanut periarfissat misissorneqarput, taamaasilluni allaffissornikkut ingerlatsinerit 1. sal-imut nuunneqarsinnaanngorlugit ataani allanngortiterinermi ini ilinniartitsiffiusartoq allineqarsinnaanngorlugu. Illumi aappaluttumi annikinnerusumik sanaartornikkut allanngortiterinissamut periarfissat misissorneqarput, taamaasilluni EDB-mi qitiusumik ingerlatsivik nuunneqarsinnarluni marlunni ininik ilinniartitsiffinnik sanaartortoqarsinnaanngorlugu.</p> <p><i>Sanaaqiineq aammalu aserfallatsaaliuineq pillugit suliniutinut aalajangersakkat siulersuisut akueraat</i></p> |
| e. | <p><i>NiNuuk-mut ukiuni 2-5 illup inissaqarnera pillugu Naalakkersuisoqarfimmut periusissiat pillugit inassuteqaatit</i></p> <p>K2 pillugu Aningaasaqarnermut Naalakkersuisoqarfiup aammalu Ilinniartitaanermut Naalakkersuisoqarfiup ataatsimeeqatiginerisa qaqilertuiffiqineqarnerat.</p> <p>Ilanngussaq 6.d.1. Aalajangiinermut nalunaarut</p> |

| | |
|----|---|
| | <p>Inassuteqaat: Inassuteqaat akuerineqassaaq.</p> <p>NiNuuk-mi maanna illup initaata atorluarneqarnissaa tamakkeqqavoq. Akisussaaffeqarfiit ilaanni atuarfimmi inuttussuseq uuttortarneqarmat 63%-imut uuttortagaasimavoq tamannalu danskit atuarfeqarfiinut sanilliullugu qaffasingaatsiarluni. Oktober qaammat aammalu november qaammat inuttussutsip uuttortagaanera 73%-imiippoq.</p> <p>NiNuuk Inuussutissarsiornermi llisimatusarfittut pilersinneqarnissamut anguniagaa ilutigalugu ukuni tulliuttuni ineriartornissaa naatsorsuutigineqarpoq. Tamanna isumaqarpoq inissaarunnissaanut aarlerinartoqartoq aammalu illup inissaqartitsiniarluni inittorneqarnissaa suli pisariaqarneruleralluttuinnassasoq. Taamaattumittaaq inip inissaqassusaanut atatillugu inuttussutsip ineriartuinnarnera naatsorsuutigineqartoq ilutigalugu pisariaqartinneqartut tunngavigalugit misissueqqissaartoqarnissaa pisariaqarpoq.</p> <p><i>Siulersuisut aalajangiuppaat misissuinerit ilusilersuinerillu pisariaqartinneqartut tunngavigalugit suliarineqassasoq, tamannalu imm. 6.f. ataani ilassuteqaatit suliarineqarneri ilutigalugit suliarineqassasoq.</i></p> |
| f. | <p><i>Immikkoortoq 9.a.-mit inassuteqaat</i></p> <p>Imm. 9.a.-mi taakkartorneqartut tunuliaqutaralugit atuarfinnut tamanut iluseq atortussatut siunnersuutigineqarsimasut malillugu inassuteqaammut nalunaarummik suliarinnittoqassaaq, matumani siunissami inittussuseq eqqarsaatigalugu ilinniartullu inaasa amerlassusaat eqqarsaatigalugit pisariaqartinneqartut ilanngullugit.</p> <p>Inassuteqaat: Aalajangiussaq suliarineqarlunilu akuerineqassaaq.</p> <p><i>Siulersuisut aalajangiuppaat atuarfiit immikkut tamarmik marlunnik arlalinnilluunniit ilinniartitaanermut sammivinnik ingerlataqarunik ilinniartitaanerup aqqissuussagaanera pillugu nalunaarummik suliaqassasut, taamaasilluni inittussutsimut naleqqersuullugu nalilersorneqarsinnaaleqqullugit.</i></p> <p><i>KNII ataatsimeeqatigineqareerpat suliulersuisut ataatsimiinnissaminni immikkoortoq eqqartugassatut qaqqinniarpaat.</i></p> |
| g. | <p><i>TNI-mi qaffasissutsit akuerineqarneri</i></p> <p>Atuarfinit taakkunani marlunnit suliaqarlutik eqimattarititaasut suliarisimasatik aammalu isiginnittariaatsit assigiinngitsut najoqqutaralugit saqqummiussippot. Assigiinngitsut suleriutsit isummallu pillugit eqqartuisoqarpoq, aammattaaq qaffasissuseq C fagini tamani ingerlanneqartussanngussanersoq eqqartorneqarpoq, ilinniarnermi qaffassaqqinniaaraanni minnerpaamik qaffasissuseq tamanna ingerlanneqareersimanissaa piumasaqaataasarmat, ilinniagaq angusiffigineqaraangat imaluunniit ilinniarnertuunngortumut ilinniaqqinnissamut piukkunnarsaqqinnissamullu pisariaqartinneqarnerisooq.</p> <p><i>Matumani siulersuisut aalajangiuppaat ilinniarnernerup pitsaassusaanut innarliutaassanngitsooq ilinniagarlu aajangersimasumik qaffasissuseqassasoq, taamaasilluni ilinniartut annertunerusumik kingusinnerusukkat kinguaattoorutissaqassanngimmata. Siulersuisuttaaq aalajangiuppaat atuarfiit ilinniartut ilinniarnermi qaffasissuseq pisariaqartinneqartoq malillugu (C-niveau)</i></p> |

| | |
|----|---|
| | <p><i>aaqqissuussaaffigissagaat, taamaakkaluartorli ernumanaateqartinneqarluni ilinniakkamut killigitinneqartoq qaffasippallaartinneqarpat ilinniartut ilaannut kingunerluuteqartitsilersarneqarsinnaasoq, matumanilu misissorneqassalluni ilinniakkap marloqiusangorlugit kivitseqataanermut atatillugu aaqqissuussaaffigineqarsinnaanersut ilikkarnarnerusumik imaluunniit assigisaanik aaqqissuussinikkut.</i></p> <p><i>Siulersuisut kisitsisilerinermi aammalu tuluttut oqaasilerinermi qaffasissutsip c tamanut ataatsunneqarnissaa aalajangiuppaa.</i></p> <p><i>Suliniuummi eqimattaatinneqartunut fagit pinngitsoorneqarsinnaanngitsumik qaffasissuseq c-mi ingerlanersut siunnersuusiorfigineqarnissaat suliakkiissutigineqarsimavoq, taassumalli saniatigutaaq TNI-ilinniakkap kisitsisilerinermi tuluttullu oqaasilerinermi qaffasissuseq C-mi angusinngitsoorsimagaluaaraanniluunniit naammassineqarsinnaanissaa periarfissinneqassasutaaq isumagineqaqqullugu. Siulersuisut ataatsimiinnissaanni suliniuummi eqimattaatinneqartut aalajangiussaata saqqummiunneqassaaq.</i></p> |
| h. | <p><i>ERP ernummatigineranut atatillugu Naalakkersuisoqarfimmut allakkat (imm. 5.b nuutsitaq)</i></p> <p><i>Nalunaarutissiineq matumani ingerlanneqartussa q siulersuisunit ernumanartoqartinneqarpoq matumani ingerlatsinermi aningaasartuutissanut missingersuutit aammalu 2019-imi kukkunerisueqqissaarnermi allattorsimaffimmut kingunerluuteqarsinnaammat, matumani siulersuisut erseqqissaatigineqartut aammalu atuarfinnut aningaasaqarnikkut inissisimanerit nalunaarsorsimameri amigarineqarnerat tunngavigalugu atsiorumassanngippata.</i></p> <p><i>Ajornartorsiut pillugu Naalakkersuisoqarfimmut inassuteqaammik/allagaqaammik nassiuussinissamik siulersuisut aalajangiussippat. Naatsorsuineri nalunaarsorfiit atsiornissaannut siulersuisut pisussaataappaat – matumani nangaanartoqartitsinerup kingunerluutigisinnaasai eqqumaffiginiarneqarput.</i></p> |
| 7. | Immikkoortut sulianut tunngasut |
| a. | <p><i>Anguniakkanut tunngatillugu suliniutit qaqilertorneqarneri killiffiilu</i></p> <p>Ilanngussaq 7.a. CAK Ilanngussaq 7.b. NiNuuk Ilanngussaq 7.c. Ataatsimut anguniagarineqartunut suliniutigineqartut ikaarsaariartortinneqarnerini takussutissiaq</p> <p>Inassuteqaat: Aalajangiussat akuerineqassapput</p> <p><i>Siulersuisut anguniakkanut atatillugu suliniutigineqartut killiffii akuersissutigaat.</i></p> |
| b. | <p><i>MTU aamma ETU suliniutigineqarnerisa killiffii</i></p> <p>Suliniuummi eqimattaatinneqartunit sulisut- aammalu ilinniartut naammagisimaarinninnerannut misissuinerit killiffii</p> <p>(Oqaatsitigut ilisimatitsineq)</p> <p>Inassuteqaat: Inassuteqaat akuerineqassaaq</p> |

| | | |
|----|----|--|
| | | <p>Suliamut atatillugu killiffik saqqummiunneqarput, aammalu ilanngullugu periusissiamut takussutissiaq tamakkiisumik isigalugu atuarfinnut taakkununga marlunnut ingerlanneqarluni.</p> <p>Siulersuisut ingerlaaseq pitsaasutut nalilerpaat, taassumalu saniatigut aammalu anguniakkanut atatillugu suliniutit aalajangiunneqarsimasut qaqilertorneqarnerat naammagisimaarlugu.</p> <p><i>Siulersuisut MTU aamma ETU killiffiisa ilisimatitsissutigineqarnerat akuersissutigaat</i></p> |
| | c. | <p><i>Ataatsimut anguniakkat pillugit ullut ataatsimoorfiusut kiisalu siumungaaq ingerlaasissaq pillugu qaqilertuinerit</i></p> <p>Inassuteqaat: Inassuteqaat akuerineqassaaq</p> <p>Maannakkut ingerlaaseq pitsaasoq ingerlanneqarsimavoq, tassungalu atatillugu anguniakkap ingerlanneqarnerani avataanit atortorissaarutilersugaaneq inerniliilluarsimalluni. Siulersuisunut aammalu ulluinnarni aqutsinermi ataatsimiititaliumut (FU) suliaakkiissutaasut ingerlassinnaanerinit inngerlaaseq eqqarsaatigalugu aaqqissuisoqaqqinnissaa sulii pisariaqartinneqarpoq.</p> <p>HSJ – Siulersuisut suliaannut tunngatillugu pitsaassutsimut atatillugu UVM-mut nalunaarusiat suliassani aggersuni isumassarsiffigineqaratarsinnaapput.</p> <p><i>Anguniakkanut atatillugu ingerlaatsip avataanit sakkussanik atortulersorneqarnissaata ingerlatiinnarneqarnissaa siulersuisut aalajangiuppaat. Atuarfiit aqutsisuisa suliaq ingerlateqqinneqarnissaanut pilersaarusiap suliarnissaa ingerlatissavaat.</i></p> |
| 8. | | <p>Siulersuisut ataatsimiinnissaasa tulliiisa sinaakkusersorneqarneri (ullulersuinerit aammalu ukiup ingerlanerani pisussat nalunaarsorsimaffiat)</p> |
| | a. | <p><i>Siulersuisut ataatsimiinnerat ulluni 22. – 25. maaji 2019 Qaqortumi</i></p> <p>NiNuuk-p Nuummiit ilaasortat peqataasussat billetissaata unnuinissaatalu inniminnernissaat isumagissavaa, kiisalu CAK allat isugissavai unnuinissallu</p> <p>Inassuteqaat: Ataatsimiinnissamut ulluliussaq akuerineqassaaq</p> <p>Siulersuisut ataatsimiinnissaat tallimangornermut 24. – ataasinngorneq 27. maajimut nuutsinneqarpoq Qaqortumi CAK-imi ingerlanneqartussanngorlugu.</p> <p><i>Ilaasortat Qaqortup avataaneersut billetiisa inniminnernissaat unnuinissaallu NiNuuk-p isumagissavaa.</i></p> |
| 9. | | <p>Sammissaq</p> |
| | a. | <p><i>Ilinniartitaanermi aaqqissuussinermut ilusissap nutaap eqqartueqatigiissutigineqarnera</i></p> <p>Ilinniartut amerlatsisarnissaannut periusissiap nutaap atuarfinit nassiunneqarnissaanut KNII-imit noqqaassutigineqartoq, kiisalu atuarfiup illutaata angissusaanut tunngasumik pisariaqartinneqartut ilanngunnissaat, matumanilu ilinniartut inigisaat qanoq amerlatigisut missingersuusiornissaat ilanngullugu.</p> |

| | |
|-----|---|
| | <p>Ilanngussaq 9.a.1. KNII-mit allagaqaatit Ilanngussaq 9.a.2. Periusissiaq marloqiusaasoq Ilanngussaq 9.a.3. Iluseq Ilanngussaq 9.a.4. Finansdepartementet Aningaasaqaarnermut Naalackersuisoqarfimmit saqqummiussat</p> <p>Inassuteqaat: Ilinniartitaanerup aaqqissugaanera nutaaq pillugu eqqartueqatigiinnerit aammalu aalajangiussat, kiisalu ilaatigut inissaqarniarnikkut pisariaqartinneqartut ilinniartullu inaat</p> <p><i>Immikkoortoq 6.f.-p ataani aalajangiineq takuuk</i></p> |
| b. | <p><i>Aallaqqaasiutitut Ilinniartitaanermi aaqqissuusseqqinneq pillugu eqqartueqatigiinnermi nalunaarusiaq</i></p> <p>Nalunaarusiaq suliniummi eqimattaatinneqartut Ilinniartitaanermi aaqqissueqqinnerup iluani Naalackeruisoqarfimmut tunniussimasaannit sulianit eqikkagaavoq. Pisortatigoortumik Naalackersuisoqarfiup suliap siumungaaq qanoq ingerlanneqarnissaa imaluunniit suliniummi eqimattaatinneqartut aalajangiussaata qanoq suliarineqassaneri nalunaarutigisimangilai.</p> <p>Ilanngussaq 9.b.1. Suliniummi eqimattaatinneqartut nalunaarusiaat Ilanngussaq 9.b.2. Pilotprojekt. Inaarutaasumik naliliineq.</p> <p>Inassuteqaat: Aallaqqaasiutitut eqqartueqatigiinneq</p> <p><i>Immikkoortoq naatsumik eqqartuiffigineqarpoq aalajangiunneqarlunili ataatsimiinnerup tullissaanut nuutinneqassasoq, matumani eqitiusumik suliaqartunit annertunerusumik paasissutissiisoqarsimanissaa kissaatigineqarluni.</i></p> |
| 10 | <p>Siulersuisut aalajangiussaata pillugit attaveqatigiinneq</p> <p>ERP-ingerlaatsip ernummatigineqarnera pillugu Naalackersuisoqarfimmut allagaqaat</p> <p>Ilinniartitaanerup aaqqissuunneqarnera aammalu atuarfimmi inissaq pisariaqartinneqartoq pillugu Naalackersuisoqarfimmut KNII-imullu ilassuteqaatit</p> <p>Imaqarniliaq atuarfiit nittartagaatigut avammut saqqummiunneqassaaq (nutserneqarlunilu).</p> |
| 11. | <p>Allat.</p> <p>Soqanngilaq.</p> |
| 12. | <p>Ataatsimiinnerup nalilersorneqarnera</p> <p>Nakkutilliusussatut aqutsisuuneq ilanngunneqartariaqarpoq ullormullu oqaluuserisassanut atatillugu ataatsimiinnermi aalajangersimasumik aqutsisuliineqassaaq – FU-mit aalajangiiffigineqarsiinnaavoq....</p> <p>Ataatsimiinneq ingerlalluarpoq, piffissaliunneqarsimasorli ingerlalertupallassimavoq, immikkoortullu TNI-imut tunngasut piffissartornarsimallutik – allaanerusumik piareersarneqarsinnaasimagaluarput.</p> |



Imaqarniliaq akuerineqarpoq allakkatigut tusarniaanermi ulloq 24. maj 2019